



Մ Ա Յ Ր Ա Թ Ո Ւ Ո Ւ Մ

Հուլիսի 24-ին, ուրբաթ.—Այսօր, երեկոյան, Մայր Աթոռ ժամանեց ռուս պրավոսլավ եկեղեցու Աստրախանի առաջնորդ Միխայիլ եպիսկոպոսը:

Հուլիսի 26-ին, կիրակի.—Դ կիրակի զկնի Վարդավառի.

Մայր տաճարում ս. պատարագ է մատուցում տ. Հովհաննես քհն. Մարությանը: «Հայր մեր»-ից առաջ հավոր պատշանի քարոզում է տ. Ոսկան ծ. վրդ. Գալբակյանը:

Ս. պատարագին ներկա էր Վեհափառ Հայրապետը:

Հուլիսի 28-ին, երեքշաբթի.—Այսօր, ուշ երեկոյան, ուխտավորաբար Մայր Աթոռ ժամանեց Ժնևի հայոց հոգևոր հովիվ տ. Ներսես ծ. վրդ. Պողապալյանը:

Օգոստոսի 2-ին, կիրակի.—Ե կիրակի զկնի Վարդավառի.

Մայր տաճարում, Ավագ սեղանի վրա, պատարագ է մատուցում տ. Արսեն վրդ. Բերբերյանը և քարոզում տ. Ներսես ծ. վրդ. Պողապալյանը:

Պատարագին ներկա էր Վեհափառ Հայրապետը:

Օգոստոսի 5-ին, չորեքշաբթի.—Այսօր Վեհափառ Հայրապետը մեկնեց Կիլոկ' մեկ ամսով հանգստանալու «Կրասնի կամեն» ատոլջարանում՝ ընկերակցությամբ Վրաստանի հայոց առաջնորդ տ. Կոնիտաս եպս. Տեր-Ստեփանյանի:

Վեհափառ Հայրապետին ճանապարհեցին Մայր Աթոռի միաբանությունը և պաշտոններությունը:

Օգոստոսի 9-ին, կիրակի.—Զ կիրակի զկնի Վարդավառի.

Մայր տաճարում պատարագ է մատուցում տ. Ներսես ծ. վրդ. Պողապալյանը: Հայր սուրբը քարոզում է «Ուխտս դիք և կատարեցէք» բնաբանով:

Օգոստոսի 12-ին, չորեքշաբթի.—Այսօր Լոնդոն՝ իր պաշտոնատեղին է մեկնում ուխտավորաբար Մայր Աթոռում գտնվող տ. Արսեն վրդ. Բերբերյանը:

Օգոստոսի 14-ին, ուրբաթ.—Այսօր Ժնև՝ իր պաշտոնատեղին է մեկնում ուխտավորաբար Մայր Աթոռում գտնվող տ. Ներսես ծ. վրդ. Պողապալյանը:

*
* *

Օգոստոսի 16-ին, կիրակի.—Վերափոխումն ա. Աստուածածնի.

Մայր տաճարում ա. պատարագ է մատուցում տ. Հուսիկ եպս. Սանթրոյանը:

Հավարտ ա. պատարագի տեղի է ունենում խաղողօրհնության արարողություն, որին ներկա էին ման բազում սփյուռքահայ և օտար ուխտավորներ:

*
* *

Օգոստոսի 17-ին, երկուշաբթի.—Բ օր Վերափոխման: Մեռելոց.

Մայր տաճարում պատարագ է մատուցում տ. Խորեն վրդ. Էլչունյանը:

Հավարտ պատարագի տեղի է ունենում պաշտոնական հոգեհանգիստ՝ վասն համորեն ննջեցելոց:

*
* *

Օգոստոսի 23-ին, կիրակի.—Բ կիրակի զկնի Վերափոխման.

Մայր տաճարում պատարագ է մատուցում տ. Գևորգ վրդ. Սերայդարյանը:

*
* *

Օգոստոսի 28-ին, ուրբաթ.—Այսօր Կիսլովոդսկից Մայր Աթոռ վերադարձավ Վեհափառ Հայրապետը՝ ընկերակցությամբ տ. Կոմիտաս եպիսկոպոսի: Վեհափառ Հայրապետին օղանավակայանում դիմավորեցին Մայր Աթոռի միաբանությունը և վանքի պաշտոնեությունը:

